



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gli Statvti Della Sacra Religione Di S. Gio: Gierosolimitano

Bosio, Giacomo

Roma, 1597

Literae Pii Papae V. Confirmationis Privilegiorvm Militvm Sancti Ioannis Hierosolymitani. Pivs Papa V. Ad Perpetuam rei memoriam.

urn:nbn:de:hbz:466:1-10742

L I T E R A E
P I I P A P A E V.
C O N F I R M A T I O N I S
P R I V I L E G I O R V M M I L I T V M

Sancti Ioannis Hierosolymitani.

P I V S P A P A V. *Ad Perpetuam rei memoriam.*



T si cuncta, quæ ex multa Romanorum Pontificum Prædecessorum nostrorum providentia, in fauorem Militiarum quarumlibet in Fidei Catholicæ defensionem salubriter institutarum processerunt, executioni debitæ demandanda esse censemus, illa tamen præcipue, quæ ad illarum statum prospere dirigendum per eosdem Romanos Pontifices prudenter concessa comperimus, vt illibata, firmaque perpetuo subsistant, libenter approbationis nostræ munimine roboramus. Cum itaque, sicut accepimus, licet alias foelicis recordationis Leo X. Clemens VII. Paulus III. & Pius III. Romani Pontifices Prædecessores nostri, inter alia Priuilegia & Indulta

dulta Dilectis Filijs Magistro & Conuentui Hospitalis San-
 cti Ioannis Hierosolymitani à Sede Apostolica cõcessa, eun-
 dem, & pro tempore existentem Magistrum, Baiuliuos, Ca-
 stellanum Empostæ, Priores, Præceptores, Milites, aliasque
 Personas Hospitalis huiusmodi, necnon eorum Subditos,
 Vassallos, Colonos, & Seruitores, ac alios in eorũ obsequijs
 & dicti Hospitalis Beneficijs quomodolibet nũcupatis exi-
 stentes, etiam Presbyteros curam Animarum exercentes,
 quandiu illam exercent, & in illorum obsequijs forent,
 illorumque animalia, prædia, Domos, molendaria, & bona
 quæcumque, quæ obtinebant, ac in posterum obtinerent, &
 possiderêt, a solutione, & exactiõne Decimarum, Censuum,
 Iurium, etiam Synodaliũ, & Canoniarum Portionũ, seu
 Charitatiui Subsidijs, aut Iucũdi Aduentus, seu Quartæ, aut
 alias quomodolibet, aut aliorum quorumcunque onerum,
 sub certis modo & forma exemerint, & liberauerint; & prout
 in diuersis ipsorum Prædecessorum desuper confectis literis
 plenius continetur: Et licet Priuilegia, Exemptiones, Li-
 bertates, & Indulta præfata, si vnquam a primæua erectione
 dicti Hospitalis, nunc præcipue fauore & complemento di-
 gna sint; cum ipsi pro Fide Catholica defendenda, non mo-
 do facultates & fortunas, verum etiam eorum vitam & san-
 guinem perdere non dubitauerint: Nihilominus diuersi Lo-
 corum Ordinarij, & Parochialium Ecclesiarum Rectores,
 ac multæ capitulares Personæ, id sibi omnino, iuxta Sacri
 Concilij Tridentini Decreta, licere asserentes, eisdem Ma-
 gistrum, Baiuliuos, Castellanum Empostæ, Priores, Præce-
 ptores, Milites, & Personas, diuersis oneribus contra eorum
 Priuilegia prægrauare, illosq; ad Decimas, Censuum, Subsidijs
 etiam charitatiua, congruas Portiones, Iucundum Aduen-
 tum, Pastor bonus, aut alias nuncupata onera, etiam iura Sy-
 nodalia cogere præsumant, in graue ipsius Hospitalis detri-
 mentum & grauamen: Nosque attendentes quod nuper in-
 ter alia mendicantium Ordinum Fratibus concessa Priuile-
 gia, eos & eorum quemlibet tam a Seminarij Clericorum in
 qualibet Ciuitate, iuxta eiusdem Concilij Tridentini De-
 creta,

creta, erecti, seu erigendi, quam Decimarū, subsidijs, & aliorum onerum contributione totaliter exemisse & liberasse, præfatosque Magistrum, Baiuliuos, Priores, Castellantum Empostæ, Præceptores, Milites, Fratres, & Personas non minus dignos esse, vt eos paribus fauoribus & gratijs prosequamur; illosque & eorum singulos, ac singulares dicti Hospitalis Personas, a quibusuis excommunicationis, suspensionis, & interdicti, alijsque Ecclesiasticis sententijs, censuris, & poenis à iure vel ab homine quauis occasione, vel causa latis, si quibus quomodolibet innodati existunt, ad effectum præsentium duntaxat consequendum, harum serie absoluentes, & absolutos fore censentes; necnon omnium & singulorum Priuilegiorum, Indultorum, & facultatum, exemptionum, immunitatum, libertatum, & gratiarum per præfatos, & alios quoscunque Romanos Pontifices Prædecessores nostros, ac Sedem Apostolicam Hospitali, illiusque Magistro, Conuentui, & Fratribus Militibus, alijsque quibusuis Personis præfatis hæctenus concessorum, ac Literarum desuper confectarum tenores præsentibus pro expressis habentes, Motu proprio, non ad Magistri, & Conuentus Hospitalis huiusmodi, aut alicuius alterius super hoc pro eis nobis oblate petitionis instantiam, sed ex certa scientia, & de mera nostra liberalitate, ac Apostolicę potestatis plenitudine, omnia & singula Priuilegia, Indulta, facultates, exemptiones, immunitates, libertates, & alias gratias, eisdem Magistro, & Conuentui quomodolibet concessa, Apostolica auctoritate, tenore præsentium confirmamus, & approbamus; illisque perpetuæ, & inuiolabilis firmitatis robur adijcimus; ac omnes & singulos tam iuris, quàm facti defectus, si qui forsan interuenerint in eisdem supplementus; Decernentes præsentibus Literas nullo vnquam tempore de subreptionis, vel obreptionis vitio, aut intentionis nostrę, vel quopiam alio defectu, etiam ex eo quod Locorum Ordinarij vocati non fuerint, notari, impugnari, vel inuolidari minime posse; minusque sub quibuscunque similibus, vel dissimilibus gratiarum reuocationibus, limitationibus, restrictionibus, & de-

roga-

rogationibus, cōprehendi posse: sed semper ab illis exceptas, & quoties illæ emanabunt, toties in pristinum statum restitutas, repositas, & plenarie reintegratas esse. Sicque ab omnibus censi; & ita per quoscunque Iudices, & Commissarios quauis auctoritate fungentes, etiam causarum Palatii Apostolici Auditores, ac Sanctæ Romanæ Ecclesiæ Cardinales; Sublata eis, & eorum cuilibet quauis aliter iudicandi & interpretandi facultate, & auctoritate, iudicari & defini debere; Ac irritum & inane si secus super his a quoquam quauis auctoritate, scienter vel ignoranter contingerit attentari. Quocirca Dilectis Filijs in Regnis Hispaniarum, & Neapolitan. nostris, & Sedis Apostolicæ, pro tempore existentibus Nuncijs, aut Curiaë causarum Camera Apostolicæ generali Auditori, per præsentēs motu simili mādamus, quatenus ipsi, vel duo, aut vnus eorum per se, vel alium, seu alios, præsentēs Literas, & in eis contenta quęcunque, vbi, & quando opus fuerit, ac quoties pro parte eorundem Magistrī, & Conuentus fuerint requisiti, solenniter publicantes, eisque in præmissis efficacis defensionis præsidio assistentes, faciant auctoritate nostra, eisdem Magistrum, & Conuentum confirmatione, approbatione, adiectione, suppletionē, decreto, & alijs præmissis pacifice vti, frui, & gaudere; non permittentes eos per Ordinarios præfatos, aut quoscunque alios, contra præsentium tenorem, quomodolibet molestari, perturbari, aut inquietari; Contradiçtores quoslibet, & Rebelles per sententias, censuras, & poenas Ecclesiasticas, appellationē postposita compescendo; ac legitimis super his habendis seruatis Processibus, sententias, censuras, & poenas huiusmodi incurrisse declarando, illasque etiam iteratis vicibus aggrauando, Interdictum Ecclesiasticum apponendo; inuocato etiam ad hoc, si opus fuerit, auxilio brachij Secularis. Non obstante piæ memoriæ Bonifacij Papæ VIII. etiam Prædecessoris nostri de vna, & Consilij generalis de duabus dietis, dummodo vltra tres dietas aliquis auctoritate præsentium ad iudicium non extrahatur; ac alijs quibusuis Apostolicis, necnon in Prouincialibus, & Synodali-

bus Concilij editis specialibus, vel generalibus constitutionibus, & ordinationibus; necnon iuramento, confirmatione Apostolica, vel quavis firmitate alia roboratis, Statutis, & Consuetudinibus, Priuilegijs quoque, Indultis, & Literis Apostolicis quibusuis Personis, etiam prefatis Locorum Ordinarijs, sub quibuscunque, tenoribus & formis, ac cum quibusuis etiam derogatorijs, alijsque efficacioribus, & insolitis clausulis, irritantibusque, & alijs decretis, etiam Motu, & scientia similibus, etiam Consistorialibus & de Fratrum nostrorum Consilio, in contrarium quomodolibet concessis, confirmatis, approbatis, & inuouatis: Quibus omnibus (etiam si de illis, eorumque totis tenoribus specialis, specifica, expressa, & indiuidua mentio, seu quauis alia expressio habenda, aut aliqua alia forma ad hoc seruanda foret, illorum tenores, ac si de verbo ad verbum inserti forent, presentibus pro sufficienter expressis, & insertis habentes (illis alias in suo robore permansuris) hac vice duntaxat specialiter, & expresse derogamus, contrarijs quibuscunque: aut si aliquibus communiter vel diuisim ab eadem sit Sede indultum, quod interdici, suspendi, vel excommunicari non possint per Literas Apostolicas non facientes plenam & expressam, ac de verbo ad verbum de Indulto huiusmodi mentionem. Volumus autem quod presentes Literae non comprehendant neque Ecclesias, neque Personas in his, quae ad curam Animarum pertinent, in quibus Decreta Concilij Tridentini huiusmodi omnino seruari debeant. Dat. Romae apud Sanctum Petrum, sub Anulo Piscatoris, die vigesima nona Nouembris, Millesimo Quinquagesimo sexagesimo octauo, Pontificatus Nostri Anno Tertio.

P. Ximenez.



LITE-